

مستطابق

درسه‌داده باب عالی جاده‌سند
اداره مخصوصه
محل اداره :

مستطابق موافق آثار جدید مع المنونیه
قبول اوانور
دروج ایدله‌ن آثار اعاده اولغاز
انظار :

دین ، فلسفه ، ادبیات ، حقوق و علوم‌دن باحث هفته‌لق رساله‌در

درسه‌داده نسخه‌بی ۵۰ پاره‌در

مؤسسه‌ری : ابوالاعلا زین‌العابدین - ح . اشرف ادیب

قبرله‌دن مقوا بورو ایله کوندریلیرسه سنوی
۲۰ غروش فضله آلنیر

تاریخ تأسیسی :
۱۱ خمرز ۳۲۴

سنه‌لکی	القی آیانی	درسه‌دنده
۶۰	۳۰	ولا یاتده
۸۰	۴۰	مملک اجنبیه‌ده
۸۰	۴۰	

درسه‌داده بوسته ایله کوندریلیرسه ولایات بدلی اخذ اولنور.

ایکنجی جلد

۱۰ ربیع‌الاول ۳۲۷ پنجشنبه ۱۹ مارت ۳۲۵

عدد : ۳۲

اعتقادات باطله

ازمنه متوسطه دن ، اون اون بش عصر مقدمندن باشلايوب اليوم معارفك لايقيله ترقى ايدمهديكي محللرده حكمرما اولديني اوزره فوق الطبعه تخيل ايديلن اشخاص موهومنهك تاثيرات وهميهسي، انسانلري بر طاقم اعتقادات باطله وغريبه اسير ايلهرك ، شاهد حقيقي رؤيته پردهكش حيلولت اولمشدر .

اعصار مذكوره ابنای بشرك جهل وغفلت اثری اولهرق كاهن ، منجم ناميله موجودات خياليه دن دم اوران اشخاصه اعتمادلري سبيله كسب امتياز ايدن بوقيل يادكارلر تحكملريني تزويد ، استفاده لريني تامين ايجون بر شخصك فلاكتي ، سعادتي ، خسته لغني واسبابي ، مدت حياتي ، زمان وصورت وفاتي واحوال سائره ني تعين ايتك مثللو كشف استقبال ، غائبدن استخراج احكام واديسنده بر طاقم خرافاته وجود ويرهرك ابلهفريبانه موعظه خوان اولملري اعتقادات باطله مبدأ اولمشدر .

اعتقادات مبحوته وقتيله يالكز عوام ناسه دكل ، حتی زمامداران خلقه دخي سرايت ايتمش ، مناسبات ناسدن امور حكوماته ، سياسياته قدر اجراي تاثير ايلمشدر . مثلاً بر شخص كشف استقبالي ايجون كاهن ومنجمه مراجعت ايدرسه بر قبيله رئيسي ، بر حكمدار حرب وصلاح ترجيحده كذلك بوواسطه ايله كشف عواقبه شتاب ايلردی... بر زمان كلدي كه انسانلر ، كره ارضك شياطين وپريلردن ، جنلردن خالي برخطومسني اولديغنه ، هريرده ، هرآنده بو اشخاص متخيله نك تحت نفوذنده بولنديغنه اعتماد ايدمجهك درجهده افراطه وارديلر . صحت ، انحراف مزاج ، علل مزمنه وساريه ، ثروت ، سعادت ، فقر ، فلاكت هب آنلك تاثيرينه حمل اولنوردی . الحاصل ابنای بشر كندی اوهامندن متحصل موجودات موهومنهك باركران تاثيری آلتنده ايكليوردي .

وقتا كه نير اسلاميت شمشعه نثار هدايت اولدی ؛ سائر بر طاقم اباطيل كي اعتقادات باطله دخي بر تزلزل عظيمه اوغراي ، شياطين ايله مكالمه ، كاهنلر وساطتيله جنلردن ، پريلردن استمداد ، كواكب ونجومدن استخراج احكام مثللو افسانهلرك بطلاني نشرو تعميم « ان الله عالم غيب السماوات والارض » آيت فرقانيسيله شاهد جمال حقيقت پرده وهم وخیالاتدن تجريد قلندی .

عصرلرجه اجراي احكام ايدن او اعتقاد غريب بو صورتله بر سكتة مديده اوغرامش ايسهده اختلاط اقوام وملل ايله آز چوق ينه اجراي تاثيردن خالي قلامش والي يومنا هذا اذهان عوام ناسهده بر موقع اشغال ايدمكلشدر كه شهر وایامه مشنوميت اسناديله مثلاً : صالی ویا چهارشنبه كونلري ايشه باشلاماق ، يولچليق ايتهمك ، يكي البسه كيمهك كي وبوكا مائل الك زياد ، قاديئلرده تاثيرات سيئهسي مشهود اولان احوال ايله ديولر ، پريلر حكايه لري بوقيلدندر . حتی « كل يوم هو في شان » فرمان سبجانيسندن بي خبر اولان

امرادن ، ولاتدن بر ذاتك دشمنه عقد ايلديكي صلح و متاركه معاهده نامه سنك يوم امضا وتعاطيسي مجرد چهارشنبه كونه تصادف ايلمش اولسندن طولايي سائقه جهل ايله فردايه تعلیق كيفيت ايلمسي بالاخره دشمنك معاهده دن نكوله و بناء عليه تجديد مخاصمات ايله بر خيلي نفوس بشريه نك محوينه سبييت ويرمش اولديني تاريخله مثبت غرائب مؤسفه دندر . [۱]

اعتقادات باطله وغريبه بوندن بر قاچ عصر اولنه كلنجيه قدر غريبه دخي فوق العاده اجراي تاثير ايدهرك رهايي نكده ياردميله نجه وقايع عجيبه ومدهشهيه جلوه كاه اولمش وحتى بر آرائق عالمك زمان ووقت انعدامي تعين واعلان كي كولنج بر كشف ايله اوروياني باشند باشه بر تلاش عظيمه ، واوليلاي عموميه اوغرايمشدي .

زمان صباوت خاطر اتندن ياددارم اولان بر حادثه ني عرض ايدم : (. . .) قصبه سنده كوچك ، بيوك عموم بر حادثه دن ، بر حالت غريبه دن بحث ايدسيور ، كويا كيجهرلي خيالات كوريليور ، شيطان بر ميتك جسدينه كيروب اولره كيديور ، خاقي تعذيب ايليور ، بيلمم دهانه لر اوليور ، راحت يوق ، هر كسده عظيم بر خشيت . . .

. . . نك بري كتابه باقش بو حادثه يه بر درجه اينانلق لازم كليرمش (!) او حالده نه ياعلي ؛ اصحاب خواصه مراجعتله جادويي مزارندن چيقارميه حق بر حاله كتيرملي ؛ يك اعلا . فقط پاره سز ايش اولورمي ؛ ايشته خواصجي يه بر وسيله جر وانتفاع ، ايشته شو وهم خسته لغنك ديكر بر مصدر ومقروبي .

اعتقادات باطله نك سرايت وبقاسنه ديكر برسبده قاديئلريمزك چوجق لري يازامازلقدن منع ايجون « غول ياني ، چهارشنبه قاري سي » دهها بيلمم نه ناملر ايله كندولريني تحذير واخافه ايتلريدركه بو حال هم اطفالك جسارت وشجاعت فطريه لريني كسر ايدر وهمده اعتقادات باطله يه اسير ايلر .

بو يولده بر فكر ابتدائي آلان چوجق اكر كايلىق تحصيل علم وفن ايله تصحيح فكر ايدم مرسه حال طفوليتده كي معلومات وانطباعات - بر اديب مغفورك ديدكي وجهله (كالقش في الحجر) - ذهنده ير طوته جفتدن اولادي دخي بوندن حصه مند ومتاثر اولور .

مع مافيه انوار معارفك فيوضات مشعشه منتشره سنه قارشى زمان جهالت اثرى اولان بوقيل اعتقادات سخيفه كيتدجه زوالپذير اولمده وخداجي . جنجي نامريله ، اوفوريجيلكه خلق طولانديرمغه يلتنان غراشفروشان بعض ساده دلاني آلداتسه لربيله يك چوق كره نجه مجاز اتدن تخلص كريبان ايدمه مكد اولدقلرندن اعتقادات مبسوطه دهها چوق زمان اذهان عوامده ير طوته ميهرق اساطيره قاري شه جنجى بى اريابدر . قوصوه ولايتي استيفاء اعضاسندن

محمد خير الدين

[۱] ناپولون بوناپارتك مصرى اشغال واستيلايله مكاده منزه ما رجسته ومصرى ترك ونخبه ايله فرانسه يه عودته دائر جودت تاريخده كي تفصيلاته مراجعت اولنه